

## **Resolución do 14 de setembro de 2021 pola que se convocan 8 talleres de prevención de traballos con amianto, xestión, manipulación e tratamento, e se establecen as bases da convocatoria**

No Plan estratéxico para a prevención de riscos laborais en Galicia 2017-2020 (prorrogado no 2021) inclúe no seu obxectivo 5 a promoción e mellora das condicións de seguridade e saúde no traballo, con especial atención a sectores, actividades empresariais e colectivos de empresas que presentan maior risco. Neste marco, o Plan de actividades do Instituto de Seguridade e Saúde Laboral de Galicia (ISSGA) para o ano 2021 recolle no seu eixe 5 “Promoción da prevención, mellora da xestión e redución da sinistralidade” na ficha 5.15. Traballos con risco por amianto. Programa integral “Alerta\_pode haber amianto” un programa específico dirixido a potenciar a formación e sensibilización na identificación dos materiais con amianto instalados .

En consecuencia, resolvo:

- 1. Convocar 8 Talleres de prevención de traballos con amianto, xestión, manipulación e tratamento para persoal traballador susceptible de atopar amianto durante o seu traballo**

Os talleres desenvolveranse conforme as bases que figuran no **anexo I** desta resolución.

- 2. A selección do alumnado realizarase previa convocatoria pública coa difusión polos seguintes medios:**

- Páxina web do ISSGA.

E, no seu caso, a través de:

- Concellos nos que se van desenvolver os talleres.
- Empresas do sector, etc.

Santiago de Compostela, na data e hora da sinatura

A xerente do Instituto de Seguridade e Saúde Laboral de Galicia

Adela Quinzá-Torroja García



**ANEXO I**

**BASES DA CONVOCATORIA DE 8 TALLERES DE PREVENCIÓN DE TRABALLOS CON AMIANTO. XESTIÓN, MANIPULACIÓN E TRATAMENTO**

1. Identificación dos talleres convocados, duración, número de prazas convocadas, lugares e contido:

Nº de edicións: 8		Nº de horas /edición: 8		Nº de prazas por edición: 15	
<b>Prazo de inscrición:</b> dende a publicación da convocatoria ata cinco días antes do inicio do taller (o prazo é ampliable ata alcanzar o número máximo de alumnos/as)					
<b>Lugares, data e horarios:</b>					
Provincia	Concello	Datas		Horario	
A Coruña	Ames	Pendente (publicarase na web do ISSGA)		Pendente (publicarase na web do ISSGA)	
	A Coruña	29 e 30 de novembro		16:30-20:30	
	Narón	17 e 18 de novembro		16:30-20:30	
Lugo	Lugo	15 e 16 de novembro		9:30-13:30	
Ourense	O Barco de Valdeorras	19 e 20 de novembro		1º día: 16:30-20:30 2º día: 09:30-13:30	
Pontevedra	Pontevedra	Pendente (publicarase na web do ISSGA)		Pendente (publicarase na web do ISSGA)	
	Mos	25 e 26 de novembro		16:30-20:30	
	Redondela	30 de setembro e 1 de outubro		16:30-20:30	
<p>Contido:</p> <ol style="list-style-type: none"> <li>1. Introducción e nocións normativas</li> <li>2. Propiedades do amianto e os seus efectos para a saúde, incluído o efecto sinérxico do tabaquismo.</li> <li>3. Tipos, usos e posible localización de materiais con amianto en edificios, instalacións, etc.</li> <li>4. Procedementos de actuación se se sospeita que un material contén amianto.</li> <li>5. Procedementos xerais para facer fronte a unha situación de emerxencia e como evitar o risco de exposición ao amianto.</li> <li>6. Función, selección e uso de Equipos de Protección Individual EPI adecuados para a realización de actividades con materiais con amianto ou sospeitoso de contelos.</li> <li>7. Como proceder para reducir a exposición en caso de presenza de materiais con amianto en mal estado ou deteriorados por unha actuación incorrecta ou por estar ao final da súa vida útil ou ser friables.</li> <li>8. Os procedementos para confirmar a presenza ou non de amianto mediante unha toma de mostra e a súa análise posterior no laboratorio, e quen é a persoa idónea para iso.</li> </ol>					
Teléfono de información: 686 32 95 97					



2. Obxectivo dos talleres:

Axudar aos profesionais que poden atopar amianto de maneira inesperada:

- na identificación de posibles materiais con amianto e
- dar pautas de actuación para evitar que os materiais con amianto poidan poñer en risco as persoas traballadoras ou terceiras persoas por descoñecemento da posible presenza de amianto ou por actuar de maneira imprudente.

3. Desenvolvemento dos talleres:

- O ISSGA publicará na súa páxina web (<http://issga.xunta.gal/>), con antelación suficiente, as datas, horario e lugares definitivos onde se impartirán os talleres. Os talleres impartiranse previsiblemente durante os meses de setembro, outubro e novembro do 2021.
- Os talleres teñen carácter presencial. É obrigatoria a asistencia e puntualidade a todas as sesións presenciais. A falta de asistencia, aínda que sexa xustificada, de máis dunha xornada suporá a perda do dereito ao certificado de asistencia.
- Horario: o horario dos talleres desenvolverase preferentemente a partir das 16:00 horas, sen prexuízo de que se poida variar para facilitar o desenvolvemento das prácticas ou a asistencia. Os datos relativos ao enderezo do local onde se vai impartir o curso, confirmación das datas de impartición e horario serán comunicados ás persoas seleccionadas.  
Así mesmo, na páxina web indicada poderase consultar calquera outra información relacionada co desenvolvemento destes talleres.

4. Persoas destinatarias e distribución das prazas:

Persoas traballadoras maiores de idade con interese na actividade a que se dirixe o curso.

5. Criterios de selección:

No caso de haber máis solicitudes que prazas, os criterios de selección son:

- Grupo con prioridade 1: Persoal traballador que pode atopar amianto de maneira inesperada durante o seu traballo (mantemento xeral, electricistas, fontaneiros, carpinteiros, etc.) e traballadores da construción.  
Unha vez seleccionado este grupo, a selección entre estas persoas realizarase por orde de inscrición.
- Grupo con prioridade 2: resto de persoal.  
Unha vez seleccionado este grupo, a selección entre estas persoas realizarase por orde de inscrición.

Xunto a solicitude de inscrición, a persoa interesada entregará a documentación que acredite a prioridade 1.



6. Solicitudes:

As solicitudes efectuaranse utilizando o formulario que se recolle no **anexo II** que se atopa dispoñible en formato editable na web do Issga (<http://issga.xunta.gal>). O prazo para presentar as solicitudes remata cinco días antes ao inicio de cada curso, que poderá ampliarse ata alcanzar o número máximo de 15 alumnos/as por taller.

As solicitudes poderanse presentar **por calquera dos seguintes medios:**

- Por correo electrónico, ao enderezo [issga.formacion@xunta.gal](mailto:issga.formacion@xunta.gal)
- Por entrega á empresa xestora, información no teléfono 686 32 95 97

Xunto coa solicitude deberá achegarse a seguinte documentación:

- Copia do DNI/ NIF / NIE/ Pasaporte
- De ser o caso, documentación xustificativa de pertenza ao colectivo prioritario (epígrafe 5, criterios de selección)

Esixirase un mínimo de 10 alumnos/as por taller. No caso de non chegar a este mínimo, o ISSGA poderá cambiar as datas previstas de desenvolvemento ou anulalo, o que se comunicará con antelación suficiente ás persoas solicitantes.

7. Acreditación da formación:

Ao remate de cada taller o ISSGA expedirá certificado de asistencia ao alumnado.

8. Control e seguimento das accións formativas:

O control e seguimento das accións formativas realizarase polo persoal técnico do ISSGA.

9. Custo dos talleres e financiamento:

A asistencia a estes talleres será gratuíta para as persoas seleccionadas.



<b>TRABALLOS CON AMIANTO. XESTIÓN, MANIPULACIÓN E TRATAMENTO</b>	Concello	Data
--	----------	------

<b>DATOS PERSOAIS</b>			
Primeiro apelido	Segundo apelido	Nome	DNI/NIE
Enderezo	Localidade	Concello	Provincia
Código postal	Teléfono	Enderezo electrónico	Data nacemento

<b>DATOS PROFESIONAIS E OUTROS</b>	
	Grupo de prioridade 1 para a selección do alumnado
<i>Persoal traballador que pode atopar amianto de maneira inesperada durante o seu traballo (mantemento xeral, electricistas, fontaneiros, carpinteiros, etc.) e traballadores da construción</i>	
	Grupo de prioridade 2 para a selección do alumnado
<i>Resto de persoal</i>	

<b>DECLARACIÓN</b>	
<ul style="list-style-type: none"> <li>■ Declaro a veracidade de todos os datos consignados nesta solicitude</li> <li>■ Xunto copia do DNI/NIE</li> <li>■ De ser o caso, xunto documentación que acredita que pertenzo ao grupo de prioridade 1 para a selección do alumnado</li> </ul> <p>.....</p> <p>.....</p> <p>.....</p>	<p>Data: _____</p> <p>Sinatura: _____</p>

<b>INFORMACIÓN BÁSICA SOBRE PROTECCIÓN DE DATOS PERSOAIS</b>	
Responsable do tratamento	Xunta de Galicia – Instituto de Seguridade e Saúde Laboral de Galicia
Finalidades do tratamento	Tramitar a súa solicitude para xestionar o acceso e a elaboración e entrega do certificado que acredita a formación recibida. Doutra banda, coa información facilitada por vostede, creamos un arquivo que serve para mandarlle información doutros cursos, xornadas ou eventos similares ou relacionados nos que vostede podería estar interesado.
Lexitimación para o tratamento	Consentimento da persoa interesada
Destinatarios dos datos	Non se prevén comunicacións a terceiros
Exercicio de dereitos	As persoas interesadas poderán acceder, rectificar e suprimir os seus datos, así como exercer outros dereitos ou retirar o consentimento segundo se recolle en: <a href="https://www.xunta.gal/exercicio-de-dereitos">https://www.xunta.gal/exercicio-de-dereitos</a>
Contacto delegado/a de protección de datos e información adicional	<a href="https://www.xunta.gal/proteccion-datos-persoais">https://www.xunta.gal/proteccion-datos-persoais</a>

Xerencia do Instituto de Seguridade e Saúde Laboral de Galicia

